

## Tafsiira Suuratu Al-Ankabuut-Kutaa 15

### Description

Qurâ€™aanni Rabbii oltaâ€™aa irraa Buâ€™e

Jalqaba madda kitaaba amanti beekuuf qabiyyee kitaabichaa qorachuu barbaachisa. Namni qabiyyee kitaabaa siritti yoo qorate madda isaa eessa akka taâ€™e haala salphaan beeka. Mee ilaali kitaabni barreessaa beekkamaa tokkoo maqaan isaa osoo irratti hin barraaâ€™in osoo gurguramee, namoonni barreefama barreessaa bekkamaa kanaa beekan madda barreefama kanaa hin beekan jettee ni yaaddaa? Dhugumatti madda barreefama kanaa ni beeku. Haaluma kanaan, warri beekumsa qabanii fi haqa barbaadan maddi Qurâ€™aanaa eessa akka taâ€™e ni beeku. Ilmi namaa wanta akka Qurâ€™aanaa barreessu waan hin dandeenyef Qurâ€™aanni Rabbii oltaâ€™aa irraa akka buâ€™ee jala muranii amanu. Qurâ€™aanni Rabbii oltaâ€™aa irraa hin buune jedhe kan normu nama beekumsa hin qabne ykn nama osoo beeku haqa dhoksuudha. Asii gaditti dhugaa kana mee haa ilaallu.

﴿وَكَذَلِكَ أَنْزَلْنَا إِلَيْكَ الْكِتَبَ فَالَّذِينَ عَاتَيْنَاهُمُ الْكِتَبَ يُؤْمِنُونَ بِهِ  
وَمِنْ هُؤُلَاءِ مَنْ يُؤْمِنُ بِهِ وَمَا يَجْحَدُ بِئَيْتَنَا إِلَّا الْكُفَّارُونَ﴾

â€œAkka kanatti Kitaaba gara keetti buufne. Warroonni kitaaba kennineef isatti ni amanu.

**Kanniin keessaayis nama isatti amanutu jira. Kaafiroota malee aayaata Keena kan waakkatu hin jiru.**â€• Suuratu Al-Ankabuut 29:47

Kana jechuun Yaa Rasuula! Akkuma Ergamtoota siin dura darban irratti kitaabban buusne, kitaaba kana sirratti buusne jirra. Kitaabni kuni Qurâ€™aana. Warroonni kitaaba isaaniif kennine haqaan beekumsa dhugaa beekanii fi hin hinaafne, Qurâ€™aanatti ni amanu. Kan akka Abdullah ibn Salaam, Najjaashi, Salmaan Al-Faarisi. Yahuudotaa fi Kiristaanota keessa warri kitaaba siritti beekan, hojii irra oolchan, hinaaffi fi fedhii lubbuu hordofuun isaan keessa hin seenne Qurâ€™aanatti ni amanu. Sababni isaas, Qurâ€™aanni wanta isaan bira jiruun walitti kan galuu taâ€™uu waan arganiif, akkasumas, akkuma kitaabni isaanii beeksisee fi gammachisee waan buâ€™eeef, beekumsa gaarii fi badaa, dhugaa fi sobaa addaan baafachuu isaan bira waan jiruuf dhugummaa Qurâ€™aana ni mirkanefatan [1]

**â€œKanniin keessaayis nama isatti amanutu jira.â€•** kana jechuun warra Makkaa keessaayis nama Qurâ€™aanatti amanutu jira.

Suuran (Boqonnaan) tuni Makkaatti waan buutef â€œ**kanniin keessaayisâ€•** kan jedhu Nabiyyii waliin warra Makkaan keessa jiraatan agarsiisa. [2]

â€œKaafirota malee aayaata Keenya kan waakkatu hin jiruâ€ Kana jechuun namoota haqa sobaan haguugan malee aayaata Keenya kan kijibsiisuu fi haqa isaanii mormu hin jiru.[\[3\]](#)

Waakkachuu jechuun haqa osoo beekanu mormuudha. Fakkeenyaaaf, namni tokko waa sirraa ergifatee, ergasii â€œemeeshaa kana sirraa hin fudhanneâ€ jedhee yoo morme, kuni waakkachuudha. Meeshaa kana ni dhoksa. Ergasii osoo beeku hin fudhanne jedhee morma. Haaluma kanaan kaafironni haqa dhoksanii aayaanni Qurâ€™aanaa Rabbiin irraa akka buâ€™an osoo beekanu, faayda addunyaa argachuuf ykn fedhii lubbuu hordofuun, â€œQurâ€™aanni Rabbiin irraa hin buuneâ€ jechuun mormu.

وَمَا كُنْتَ تَلُوْا مِنْ قَبْلِهِ مِنْ كِتَابٍ وَلَا تَخُطْةٌ بِيَمِينِكَ إِذَا  
لَأْرَاتَ الْمُبْطَلُونَ



â€œAti [Yaa Muhammad] isa dura kitaaba tokkollee kan dubbistuu fi harka mirgaa keetinis kan barreessitu hin turre. Osoo akkas taate, silaa warri soba hordofan ni shakku turan.â€ Suuratu Al-Ankabuut 29:48

Kana jechuun Yaa Muhammad! Qurâ€™aanni sitti buâ€™uun dura kitaaba homaatu kan dubbistu hin turre, harka keetinis kan barreessitu hin turre. Osoo kitaaba kan dubbistu yookiin kan harkaan barreessitu taatee, silaa warri soba hordofan ni shakku turan. Akkana jedhuu turan, â€œMuhammad Qurâ€™aana kitaabban darbe irraa barate ykn garagalche.â€[\[4\]](#)

**Mubxiluun**-kunniin soba filachuu fi haqa achi gatuu keessatti warra fedhii lubbuu hordofaniidha.[\[5\]](#) Jireenyaa isaanii keessatti haqa achi darbanii soba hordofuuf warra fedhii guddaa qabaniidha.

بَلْ هُوَ أَيَّتْ بِيَنَتٍ فِي صُدُورِ الظَّالِمِينَ أُوتُوا الْعِلْمَ وَمَا يَجْحَدُ  
بِإِيمَانِنَا إِلَّا الظَّالِمُونَ



â€œKana irra, inni (Qurâ€™aanni) qoma warra beekumsi isaaniif kennname keessatti aayaata ifa taâ€™aniidha. Zaalimoota malee aayaata Keenya kan waakkatu hin jiru.â€ Suuratu Al-Ankabuut 29:49

Kana jechuun Qurâ€™aanni akka warri soba hordofan, â€œwalaloo ykn sihriidhaâ€ jedhanii miti. Garuu, inni mallattooleen, ragaaleen amantii fi murtiwwan Rabbii ittiin beekamuudha.[\[6\]](#) Aayaanni Qurâ€™aanaa kunniin qoma warra beekumsi isaaniif kennnamee keessatti kan qabatamu (haffazamuudha). Akkasumas, warri beekumsa qaban kunniin Qurâ€™aanni haqa taâ€™uu isaa ni beeku.[\[7\]](#)

Warri beekumsi isaaniif kennname kunnini namoota gamnoota, qalbi qabanii fi guuttamaniidha. Qurâ€™aanni qoma namoota akkanaa keessatti keeyyattotaa fi ragaalee ifa taâ€™an erga taâ€™e, isaan namoota biroo irratti hujjah (ragaa) taâ€™u. Namoonni isaaniin ala jiran mormuun homaa hin miidhu. Kuni zulmii malee homaayyu taâ€™uu hin dandaâ€™u. Kanaafi akkana jedhe, â€“**Zaalimoota malee aayaata Keenya kan waakkatu hin jiru.**â€“[\[8\]](#)

Kana jechuun zaalimota malee aayaata Keenya kan kijibsiisuu, haqa isaanii hirâ€™isuu fi isaan fudhachuu didu hin jiru. Zaalimoonni kunnini kaafirota. Isaan daangaa darbitoota haqa osoo beekanu irraa goraniidha.[\[9\]](#)

Kaafironni zaalimoota. Sababni isaas, zaalimoota jechuun namoota daangaa darbanii nafsee ofii ykn namoota biroo miidhaniidha. Rabbiin subhaanahu wa taâ€™aalaa ni jedha:

*وَمَنْ يَتَعَدَّ حُدُودَ اللَّهِ فَقَدْ ظَلَمَ نَفْسَهُ وَرَبُّهُ*

â€“**Namni daangaawwan Rabbii darbee, nafsee ofii miidhee (zollomee) jira.**â€“ Suuratu ax-Xalaaq 65:1

Kanaafu, kaafironni daangaa Rabbii darbuun nafsee ofii adabbii Isaatiif saaxiluun waan miidhaniif zaalimoota. Rabbiin subhaanahu wa taâ€™aalaa ni jedha:

يَرْبُّ الْمُرْبُّونَ لَمَنْ يَرْبِّي إِنَّمَا يَرْبِّي الْجِنَّاتِ وَالْأَنْوَافَ  
يَرْبُّ الْمُرْبُّونَ لَمَنْ يَرْبِّي إِنَّمَا يَرْبِّي الْجِنَّاتِ وَالْأَنْوَافَ

â€“**Kaafironni isaanumatu zaalimoota.**â€“ Suuratu Al-Baqarah 2:254

Zulmii jechuun daangaa darbuu fi wanta tokko bakka isaa malee kaaâ€™uudha.

### Kitaabban wabii:

- [1] Tafsiir Muyassar-402, Tafsiir Saâ€™dii-743, Tafsiir Qurâ€™aanil Kariim-Suuratu Ankabuut-fuula 261, Ibn Useymiin
- [2] Tafsiir Qurâ€™aanil Kariim-Suuratu Ankabuut-fuula 262, Ibn Useymiin
- [3] Tafsiir Ibn Kasiir-6/68
- [4] Tafsiir Muyassar-402, Tafsiir Ibn Kasiir-6/68-69
- [5] Maâ€™aariju tafakkuri wa daqaaâ€™iqu tadabburi-15/280
- [6] Tafsiir Qurxubii-13/376
- [7] Tafsiir Qurâ€™aanil Kariim-Suuratu Ankabuut-fuula 279, Ibn Useymiin
- [8] Tafsiir Saâ€™dii-743[\[9\]](#) Tafsiir Ibn Kasiir-6/69

### Date Created

August 16, 2020

### Author

---

admin